

# INUIT ATAQATIGIIT

## Inatsisartuni



UKA2019/Imm. 24  
27. september 2019  
Múte Bourup Egede

**Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat nr. xx, xx. xxx-imeersoq. (Piiaanissamut akuersissummik pissarsinissamut tunngavissarititaasunut piunasaqaatit allanngortinneqarnerat aamma sumiiffiit piiaanissamut akuersissummi pineqartunut ilaasut illersorneqarnissaat)**

(Aatsitassanut Suliffeqarnermullu Naalakkersuisoq)

Inuiattut ulluinnarni atukkatta pitsaanerulernissaat inuussutissarsiornikkut assigiingisitaartumik siuariartornikkut ilaatigut tunngaveqartussaallunilu pisariaqartitsivoq. Ineriartornerullu taassuma pinissaanut aatsitassarsiorneq nunatsinni takorluukkutta ilagaat. Maanna ukiuni kingullerni timalimmik iluaqutigiartuaaligatsinnik.

Aatsitassarsiornep ineriartortinnerani uagut nammineerluta iluaqutiginissaa naleqartitavullu aallaavigalugit ineriartortinnissaa qitiulluinnarpoq. Uagut peqataangikkutta iluaqutissinneqangikkuttalu aatsitassarsiornep uagutsinnut iluaqutaanavianginnera kimulluunniit ersarereermat. Taamaamat aatsitassarsiornep pinnerasaasiornep uagut aamma nammineerluta ingerlatsisinnanaitta periarfissaatillugulu inerisartuarnissaa puigussangilarput.

Inuit Ataqatigiit qaqagumulluunniit suleqataaffigerusuppaat pingaatumik allaffissornikkut pisariaqanngitsumik eqartumillu ingerlatat nungutikkiartuarlugit eqaallisaaffiginissaannut.

Uani inatsisissamut siunnersuummi aatsitassanut inatsimmik allannguiniarneruvoq, 2010-minngaanniit allannguinerit arfinilissariumaagaat akuerineqassappat. Allannguillattaarsimanerup ersiutigisinnaasaatut oqartoqarsinnaavoq ukiut qulingiluat matuma siorna inatsisiliornermi torrallaanerusoqarsimasinnaagaluartoq. Illuatungaani aamma muminganik oqaatigineqarsinnaavoq ullutsinnut tulluussartarsimanermik pikkoriffiginerusassatsinnillu takusaqarsimanitsinni aaqqiarsimanertut taaneqarsinnaalluni.

Inatsisissatut siunnersuut oqallisigisarput imaaliallaannaq qiviarlugu eqaallisaanissamik imaqarpoq. Ilaatigut Namminersorlutik Oqartussani allaffissornikkut aningaasartuutit ikilisillugillu sullissinerit eqaannerulernissaannik sunniuteqassangatillugu Naalakkersuisut tunngavilersuuteqarmata. Taamatullu aamma aatsitassarsioqatigiiffinnut sunniuteqassangatinneqarluni.

# INUIT ATAQATIGIIT

## Inatsisartuni



Naalakkersuisulli Inatsisissatut siunnersuumminni eqaallisaaffiginiakkaminnut eqqaanartumik ullumikkutuulli sulii periarfissaqartinniarlutik aamma oqariartuuteqarnerat inatsisissamut siunnersuutip kingunissaanut tunngasuni atuarneqarsinnaavoq.

Misilittakkagut aallaavigalugit, inatsisitigut tunngavilimmik allaffissornikkut piumasaqaatinik suugaluarnersunik piumasaqaataaffaarinnikkaluarlutik periarfissaasut ilaanni piumasaqaatituulli atuutsinneqalersarnerat takornartaanngilaq. Ilaatigullu tamannarpiaq aatsitassanut inatsimmik Naalakkersuisut Naalakkersuisoqarfiillu atuutsitsinerannik isornartorsiusarnerit imaqqakkajuttarlutik. Kissaatigaarpullu tamanna ataatsimiitsitaliami sammineqarumaartoq.

Ataatsimiitsitaliamittaaq sukumiisumik sammeqqunarput:

Inatsisissatut siunnersuutaasup inuiaat kalaallit aatsitsassarnermi maanna pissarsiassaqartarneraniit ajornerusumik inissittoqassanngitsaq qulakkeerneqassasoq.

Avatangiisinut sunniutaasussanut piumasaqaatit ajornerulinnginnissaannik tunngavilersuuteqarnerup uppersarnissaa.

Akuersissuteqarfiusuni kisermaassisussaataalernissap inatsisissami siunnersuutigineqartup nunaqavissut, soorlu pinnersaasiassanik inuussutissarsiuteqarlutillu atuisinnaanerannut, piniakkanik allatulluunniit pinngortitamik atuisinnaanerannik innarliisoqannginnissaata qulakkeernissaa.

Ataatsimiitsitaliap suliaqarnermini susassaqtunik, soorlu inuussutissarsiortunik akuutitsinissaa aamma kissaatigaarpur. Tassami tusarniaanermi qaammat ataatsip missaani sivilissuseqartumi Kommune Kujalleq kisimi akisimavoq. Imminermi susassaqtut allat tusarniaanermi periarfissaqareersimagaluartut, inatsisissap kingusinnerusukkut isorineqarsinnaanera pinngitsoorniaatigalugu torrallannerusinnaaneranut peqatiserisinnaaneri akornutaanaviangimmat.

Taamak oqaaseqarluta inatsisissatut siunnersuut aappassaaneeraneqannginnermini sukumiisumik qulaaffiulluurtumillu ataatsimiitsitaliami susassaqtumi suliaassanngorlugu innersuupparput.